



Broj: UP1 08-16-19-21-16/24  
Sarajevo, 25.11.2024. godine

Na osnovu člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i prijedloga Komisije za javne nabavke iz Zapisnika o pregledu i ocjeni ponuda broj: UP1 08-16-19-21-12/24 od 18.11.2024. godine, direktor Agencije za zaštitu ličnih podataka u Bosni i Hercegovini *d o n o s i*:

### **ODLUKU** **o izboru najpovoljnijih ponuđača**

1. Prihvata se prijedlog Komisije za javne nabavke, iz Zapisnika o pregledu i ocjeni ponuda sačinjenom u postupku javne nabavke provedenom putem konkurentskog zahtjeva za dostavljanje ponuda sa zaključivanjem okvirnog sporazuma s više ponuđača za nabavku usluge rezervacije i isporuke avio karata, te se okvirni sporazum dodjeljuje ponuđačima:
  - Ventura Travel Agency sa cijenom usluge u iznosu od 0,01 KM bez PDV-a za posredovanje u nabavci po jednoj avio karti prema ponudi broj: 20242410-1-vta/24 od 24.10.2024. godine i
  - Centrotans d.d. sa cijenom ponude u usluge od 0,17 KM bez PDV-a za posredovanje u nabavci po jednoj avio karti prema ponudi broj: 1/6233/24 od 25.10.2024. godine.
2. Sa ponuđačima iz tačke 1. ove Odluke zaključit će se okvirni sporazum za nabavku usluge rezervacije i isporuke avio karata na period od dvije godine odnosno do iznosa procijenjene vrijednosti.
3. Pojedinačne, sukcesivne nabavke će biti vršene u skladu sa odredbama člana 32. stav (5) tačka b) Zakona o javnim nabavkama.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke u skladu sa članom 70. stav (2) Zakona o javnim nabavkama.

### **Obrazloženje**

Direktor Agencije za zaštitu ličnih podataka u Bosni i Hercegovini je Odlukom broj: 05-1-16-19-1050-2/24 od 21.10.2024. godine, pokrenuo postupak konkurentskog zahtjeva za dostavljanje ponuda sa zaključenjem okvirnog sporazuma sa više ponuđača za javnu nabavku usluge rezervacije i isporuke avio karata.

Obavještenje o nabavci 820-7-2-18-3-12/24 je objavljeno na Portalu javnih nabavki a sažetak navedenog Obavještenja je obavljen u Službenom glasniku Bosne i Hercegovine broj 73/24.

Tendersku dokumentaciju je, sa Portala javnih nabavki, preuzelo sedam ponuđača. Na protokol Agencije za zaštitu ličnih podataka u Bosni i Hercegovini su, do utvrđenog krajnjeg roka za dostavu ponuda, stigle dvije ponude.

Komisija za javne nabavke je blagovremeno i pravilno izvršila otvaranje ponuda i ponuđačima dostavila *Zapisnik o otvaranju ponuda* broj: UP1 08-16-19-21-9/24 od 04.11.2024. godine.

Komisija za javne nabavke je na zatvorenoj sjednici izvršila pregled i ocjenu ponuda koji je završen 18.11.2024. godine i o tome sačinila *Zapisnik o pregledu i ocjeni ponuda*, broj: UP1 08-16-19-21-12/24 od 18.11.2024. godine.

Ponude ponuđača Ventura Travel Agency i Centrotrans d.d. su ocijenjene prihvatljivim te je u skladu sa odredbama Pravilnika o uslovima i načinu korištenja e-Aukcije („Službeni glasnik BiH“, br. 80/23) zakazana e-Aukcija za 12.11.2024. godine u periodu od 10:00 do 10:10 časova. Dana 12.11.2024. godine u periodu od 10:00 do 10:18 časova održana je e-Aukcija.

Konačna rang lista ponuđača koji su učestvovali u e-Aukciji:

Red. broj	Ponuđač	Konačna cijena ponude nakon e-aukcije (bez PDV-a)	Rang
1.	Ventura Travel Agency	0,01	1
2.	Centrotrans d.d.	0,17	2

U skladu sa odredbama člana 66. Zakona o javnim nabavkama i člana 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) traženo je objašnjenje cijene ponude od ponuđača Ventura Travel Agency. U ostavljenom roku ponuđač Ventura Travel Agency je dostavio obrazloženje neprimjereno niske ponudene cijene koje je Komisija za javne nabavke ocijenila prihvatljivim.

Odredbama člana 32. stav (4) Zakona o javnim nabavkama je propisano da se okvirni sporazum može zaključiti i s dva ponuđača u slučaju ponavljanja postupka zbog nedovoljnog broja primljenih ponuda.

Imajući u vidu naprijed navedeno kao i činjenicu da je ovo ponovljeni postupak, Komisija je predložila da se navedenim ponuđačima dodijeli okvirni sporazum.

Shodno naprijed navedenom, odlučeno je kao u dispozitivu ove Odluke.

Odluka će se, u skladu sa članom 70. stav (6) Zakona, dostaviti svim ponuđačima koji su učestvovali u postupku javne nabavke i istovremeno objaviti na internet stranici Agencije.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi BiH putem Agencije za zaštitu ličnih podataka u BiH u roku od 5 dana od dana prijema ove Odluke u pisanoj formi i u dovoljnom broju primjeraka, a koji ne može biti manji od tri.

**Dostavljeno:**

- Ponuđačima x2;
- Web redakciji;
- U spis.



Sarajevo-Carajev, Dubrovačka broj 6 – Дубровачка број 6  
tel/тел ++387 33 726-250, faks/факс ++387 33 726-251